

SAKSPAPIR

Saksnr	Utval	Type	Dato
063/20	Formannskapet	PS	02.09.2020
	Heradsstyret	PS	

Saksbehandlar	ArkivsakID
Bente Skjerpung	20/2

Lokalbrygg AS - søknad om løyve til nettsal av alkohol i Osterøy kommune

Vedlegg:

resultset_235_1693_vedlegg4.pdf - firmaattest

resultset_235_1693_vedlegg6.docx - konsept

resultset_235_1693_vedlegg11.docx retningslinjer for utlevering

Rådmannen sitt framlegg til vedtak:

«I medhald av alkohollova §§ 1-4a, 1-4b, 1-6, 1-7, 1-7a, 1-7b, 1-7c, 3-1, andre ledd og 3-7 vert det gjeve salsløyve for drikk med inntil 4,7% alkoholinnhald (gruppe 1) til Lokalbrygg AS, organisasjonsnr. 924555500, Karl Staffs vei 76, 0665 Oslo. Styrar: Eirik Petter Tomter, f. 22.03.1998. Stedfortredar: Pia Rødsten Dahlstrøm, f. 01.06.1986.

Løyveperiode: 01.10.2020 – 30.09.2024.

Utleveringstider for bestilte varer: måndag – fredag: kl. 09.00 – kl. 18.00. Laurdag: kl. 09.00 – kl. 15.00.

Påske-, pinse-, jule- og nyttårsafta: kl. 09.00 – kl. 15.00.

På sun- og heilag dagar, 1. og 17. mai kan det ikkje utleverast alkoholhaldig drikk.

Årsgebyr for salsløyve og avgift for etter omsetning vert justert kvart år i samsvar med sentralt fastsette satsar, jfr. alkoholforskrifta §§ 6-2 og 6-3.

Formannskapet - 063/20

FS - behandling:

AVRØYSTING

Rådmannen sitt framlegg - samrøystes tilrådd

FS - vedtak:

«I medhald av alkohollova §§ 1-4a, 1-4b, 1-6, 1-7, 1-7a, 1-7b, 1-7c, 3-1, andre ledd og 3-7 vert det gjeve salsløyve for drikk med inntil 4,7% alkoholinnhald (gruppe 1) til Lokalbrygg AS, organisasjonsnr. 924555500, Karl Staffs vei 76, 0665 Oslo. Styrar: Eirik Petter Tomter, f. 22.03.1998. Stedfortredar: Pia Rødsten Dahlstrøm, f. 01.06.1986.

Løyveperiode: 01.10.2020 – 30.09.2024.

Utleveringstider for bestilte varer: måndag – fredag: kl. 09.00 – kl. 18.00. Laurdag: kl. 09.00 – kl. 15.00.

Påske-, pinse-, jule- og nyttårsafta: kl. 09.00 – kl. 15.00.

På sun- og heilagdag, 1. og 17. mai kan det ikkje utleverast alkoholhaldig drikk.

Årsgebyr for salsløyve og avgift for etter omsetning vert justert kvart år i samsvar med sentralt fastsette satsar, jfr. alkoholforskrifta §§ 6-2 og 6-3. "

Saksopplysningar:

Saksopplysningar:

Bakgrunn

Lokalbrygg AS, org.nr. 924455500, søker om løyve til sal av alkohol gruppe 1 (inntil 4,7% alkoholinnhald). Lokalbrygg ønskjer å tilby eit breitt utval av drikkevarer frå lokale produsentar, og som til vanleg ikkje er for sal i daglegvarebutikkar. Kundar må bestilla sine varer på nettet og betala for desse. Varene blir leverte til næraste postkontor eller post i butikk. Utlevering kan berre skje innanfor godkjende salstider.

Verksemda er under etablering og nettsida er førebels ikkje tilgjengeleg. Dei søker no om salsløyve i kommunar over heile landet.

Styrar for løyvet er Eirik Petter Tomter, f. 1998 og stedfortredar er Pia Rødsten Dahlstrøm, f. 1986. Begge har bestått kunnskapsprøven i alkohollova.

Politiet har ikkje merknader til søknaden.

Alkohollova § 3-1 opnar for nettsal av alkohol gruppe 1. I kommentaren til lova står det følgjande om nettsal:

Alkoholloven har ingen særskilte regler for hvordan salg av alkohol bestilt på nett skal foregå med unntak av alkoholforskriften § 14-3 nr. 10 om alkoholreklame ved nettsalg. Det har imidlertid etablert seg en praksis hvor § 3-1 annet ledd også anses å omfatte bevilling til nettsalg.

Bevilling for nettsalg må knytte seg til ett bestemt lokale og en bestemt type virksomhet, jf. alkoholloven § 3-1 andre ledd. Virksomheten må ha bevilling i alle de kommuner hvor alkoholholdig drikk skal utleveres.

Utlevering av alkohol bestilt på nett kan foregå ved hjemlevering, henting på varelager og fra særskilte utleveringspunkter. Salgsformen gir utfordringer når det gjelder kontroll med utlevering av varene.

Det vises for øvrig til alkoholloven § 1-9, jf. alkoholforskriften kapittel 9 om kontroll.

Kopi av søknad og konsept ligg ved saman med retningsliner fo utlevering av varer.

Vurdering

Alkohollova opnar for nettsal av drikk med inntil 4,7 % alkoholinnhald. Nettsal av drikk med høgare alkoholinnhald er det Vinmonopolet som står for. Utlevering til kundar kan berre skje i kommunar der seljar har fått løyve til nettsal.

Søkjar ønskjer å laga ein salskanal der små produsentar kan tilby sine produkt til kundar over heile landet. Ein ønskjer å selja norske produkt med god kvalitet. Små lokale produsentar har avgrensa tilgang til å få seld sine produkt gjennom dei vanlege daglegvarekjedene. For kundar som ønskjer eit breiare utval enn det som finst i den enkelte butikk, kan nettsal vera eit godt tilbod. Aldersgrenser og kjøp og utlevering vert dei same som ved kjøp i butikk.

Om nettsal vil gje høgare forbruk er vanskeleg å vurdera. Til vanleg vil produkta ha minst like høg pris som i butikken og fraktkostnader vil koma i tillegg. Leveringstid for varene gjer at impuls kjøp er mindre aktuelt, og nettbutikkar kan heller ikkje aktivt driva reklame for sine produkt. Kunden må sjølv aktivt oppsøkje nettsida.

Kva konsekvensar nettsal vil ha for dei lokale butikkane er og vanskeleg å vurdera, men konkurransen kan i beste fall gi dei lokale kundane betre utval.

Kontroll med nettsal kan vera ei utfordring, men søkjar vil nytta posten som sending og utlevering av varene. Rutiner for utlevering vert dei same som for varer frå Vinmonopolet, d.v.s. innanfor gjeldande salstider og mot framvist legitimasjon. Synleg rusa personar vil ikkje få utlevert varer. Søkjar ønskjer i tillegg å leggja til rette for eigen kontroll gjennom bruk av «mystery shoppere» som er under 18 år og som prøver å få kjøpa alkohol via nettside og seinare få dette utlevert.

I praksis er det vanskeleg for kommunen å føra kontroll med kjøp og utlevering, men butikkar som har denne tenesta i dag er kjende med regelverket gjennom eige sal av alkohol. Ein legg og til grunn at når Vinmonopolet nyttar denne tenesta, må det vera ei ordning som fungerer tilfredsstillande.

Heradsstyret har i møtet 17. juni tilrådd å gje løyve til nettsal. Rådmannen si vurdering er at søkjar har ei god organisering av salet, der reglane for sal og utlevering vert ivaretekne. Saka vert difor lagt fram med tilråding om å gje løyve til nettsal i Osterøy.

Folkehelse	- ingen endring i h.t. dagens situasjon
Miljø	- ingen endring i h.t. dagens situasjon
Økonomi	- må betala årleg gebyr for salsløyve og etter omsetnad

Konklusjon

Saka vert lagt fram for formannskapet for handsaming og tilråding til heradsstyret.